



## **TOSHKENT DAVLAT YURIDIK UNIVERSITETI REKTORINING B U Y R U G ' I**

11.03.2024

150-tm-son

### **Toshkent davlat yuridik universitetida xizmat ko'rsatish hamda mehnat qilish va ta'lim olish sharoitlarini yanada yaxshilash, energiya resurslaridan to'g'ri foydalanishni tashkil etish to'g'risida**

Toshkent davlat yuridik universiteti (bundan buyon mantda – Universitet) faoliyat samaradorligini oshirish, jumladan xodimlar uchun munosib mehnat sharoitlarini hamda talabalar uchun sifatli ta'lim olish muhitini yaratish, universitetni toza va ozoda saqlash, xizmat ko'rsatish sifatini yaxshilash, ekspluatatsiya va ta'mirlash sohasida ilg'or xorijiy va milliy tajriba va standartlarni joriy qilish, elektr energiyasi, suv va komunal xizmatlardan oqilona foydalanish tizimini yaratish hamda Universitet rektori huzurida 2024-yil 26-fevral kuni Moliya-iqtisod yo'nalishi faoliyati yuzasidan o'tkazilgan 2-son yig'ilish bayoniga muvofiq

### **BUYURAMAN:**

1. Universitet rektori huzurida 2024-yil 26-fevral kuni Moliya-iqtisod yo'nalishi faoliyati yuzasidan o'tkazilgan 2-son yig'ilishda ko'rsatib o'tilgan masalalar ma'lumot va ijro uchun qabul qilinsin.

2. Universitet faoliyat samaradorligini oshirish, xodimlar uchun munosib mehnat sharoitlarini hamda talabalar uchun sifatli ta'lim olish muhitini yaratish, universitetni toza va ozoda saqlash, xizmat ko'rsatish sifatini yaxshilash, ekspluatatsiya va ta'mirlash sohasida ilg'or xorijiy va milliy tajriba va standartlarni joriy qilish, elektr energiyasi, suv va komunal xizmatlardan oqilona foydalanish universitet har bir xodimining ustuvor vazifalaridan biri ekanligi belgilab o'tilsin.

3. 2-bandda ko'rsatib o'tilgan asosiy vazifalarni Universitetda sifatli bajarilishini o'rganib borish, Universitet faoliyat samaradorligini oshirish, energiya resurslaridan unumli foydalanish, xizmat ko'rsatish sifatini yaxshilash hamda universitet jozibadorligini oshirishda ilg'or xorijiy va milliy tajriba va standartlarni joriy qilish yuzasidan taklif tayyorlash bo'yicha xodim va talabalardan iborat jamoatchilik kengashlari (bundan buyon matnda – Jamoatchilik kengashlari) faoliyati yo'lga qo'yilsin.

4. Xodimlarga munosib mehnat sharoitlarini yaratish bo'yicha jamaotchilik

kengashi tarkibi 1-ilovaga, talabalarga sifatli ta'lim olish uchun shart-sharoitlar yaratish bo'yicha jamoatchilik kengashi tarkibi 2-ilovaga muvofiq tasdiqlansin.

5. Jamoatchilik kengashlari faoliyatining asosiy yo'nalishlari quyidagilar etib belgilansin:

Universitet binolari toza va ozoda saqlanishini doimiy nazorat qilib borish;

Universitet binolari va jihozlarning holatini o'rganib borish va modernizatsiya qilish, xodim va talabalar o'rtasida qisqa so'rovnomalar o'tkazish orqali ularning fikr-mulohazalarini o'rganish, xorijiy tajribani o'rgangan holda zamonaviy jihozlar va inventarlar bilan boyitishga doir takliflar tayyorlash;

Universitet jozibadorligini oshirish, sifatli xizmat ko'rsatish, energiya resurslaridan unumli foydalanish yuzasidan ilg'or xorijiy tajriba va xalqaro standartlarni hamda O'zbekistondagi yetakchi oliy ta'lim muassasalari tajribasini o'rganib universitetga tatbiq etish bo'yicha amaliy choralarni amalga oshirish.

Bunda quyidagilarga alohida e'tibor qaratiladi:

auditoriyalarda o'qitishning zamonaviy metodlaridan foydalangan holda dars o'tilishi uchun sharoitlar yaratilganligi;

auditoriya va xonalardagi jihozlarning butunligi va eskirmaganligi hamda xodim va talabalarning soniga teng taqsimlanganligi;

auditoriya va xonalarning tozaligi;

umumiy foydalanishda bo'lgan xonalarning toza saqlanishi, gigiyenik vositalar, zarur jihozlar bilan ta'minlanganligi hamda hamma uchun (imkoniyati cheklangan xodim va talabalar) teng bo'lgan sharoit yaratilganligi;

universitet kirish qismlarining universitet faoliyatiga monand ravishda zamonaviy ko'rinishda bo'lishi, tashrif buyuruvchilar uchun universitet faoliyati bo'yicha birlamchi ma'lumotlarni olish imkoniyati yaratilganligi;

universitet kirish qismlarida faoliyat yuritadigan Qo'riqlash xizmati xodimlarining o'ziga yuklatilgan vazifalarni lozim darajada bajarayotganligi, xodim va talabalar hamda tashrif buyuruvchilar bilan munosabatlarini o'rganish, ularga muomala madaniyatini yaxshilash bo'yicha tushuntirish ishlarini olib borish;

ijtimoiy zonalar, dam olish maydonlarini zamonaviy jihozlar bilan ta'minlash va zarur sharoitlar yaratish.

6. Jamoatchilik kengashi Universitet binolarida elektr energiyasi va suvdan foydalanish holatini ham tizimli tahlil qilib boradi. Bu borada kamchilikka yo'l qo'yayotgan (xonalardagi elektr jihozlarni yoniq holda qoldirgan, eshik va derazalarni ochiq holda qoldirayotgan, umumiy foydalanishda bo'lgan xonalardagi jihozlardan suvning bemaqsad oqayotganligi va boshqalar) xodim va talabalarni aniqlab va ular yuzasidan universitet rahbariyatiga ma'lumot kiritib boradi.

7. Elektr energiyasi va tabiiy resurslardan bemaqsad foydalangan va bu borada kamchilikka yo'l qo'ygan, universitet mulkiga qatdan zarar yetkazgan xodim va talabalar o'rnatilgan tartibda mulkiy va ma'naviy javobgar bo'ladilar.

8. Ma'naviyat va ma'rifat markazi (Sh.Po'lotov), Kadrlar bo'limi (S.Mamanazarov) hamda fakultet dekanlari:

elektr energiyasi va tabiiy resurslardan unumli foydalanish, universitet mulkiga zarar yetkazmaslik yuzasidan xodim va talabalar o'rtasida tushuntirish ishlarini olib borsin;

Jamoatchilik va OAV bilan aloqalar bo'limi bilan birgalikda bu borada xodim va talabalarga tushuncha berishga qaratilgan ijtimoiy roliklar tayyorlab ularning e'tiboriga yetkazib borish choralarini ko'rsin.

9. Yuridik byuro (A.Tursunov) Elektr energiyasi va tabiiy resurslardan bemaqsad foydalangan va bu borada kamchilikka yo'l qo'ygan, universitet mulkiga qatdan zarar yetkazgan xodim va talabalarga jarimalar belgilash bo'yicha universitetning ichki hujjatlariga tegishli o'zgartirishlar kiritish choralarini ko'rsin.

11. Yuqoridagi masalalar ijrosini birinchi prorektor A.Xashimhonov hamda prorektor A.Iminovlar to'liq nazoratga olsin.

12. Mazkur buyruq ijrosi nazoratini o'z zimmamda qoldiraman.

**Rektor v.v.b.**



**I.RUSTAMBEKOV**

Toshkent shahar

## **Kiritildi:**

Direktor

SH.PO‘LOTOV



## **Kelishildi:**

Yoshlar masalalari va ma‘naviy-  
ma‘rifiy ishlar bo‘yicha birinchi  
prorektor

A.XASHIMHONOV



Moliya-iqtisod ishlar bo‘yicha  
prorektor

A.IMINOV



Bo‘lim boshlig‘i

S.MAMANAZAROV



Boshqarma boshlig‘i

D.MAXKAMOV



Katta yuriskonsult

A.TURSUNOV

